

📖 সহীহ ইবনু হিব্বান (হাদিসবিডি)

হাদিস নম্বরঃ ১৫১

৫. কিতাবুল ঈমান (كِتَابُ الْإِيمَانِ)

পরিচ্ছেদঃ ঈমানের ফযিলত - যে ব্যক্তি 'লা ইলাহা ইল্লাল্লাহ' বলবে সে জান্নাতে যাবে তার বিবরণ

بَابُ فَضْلِ الْإِيمَانِ - ذكر البيان بأنه مَنْ قَالَ: "لَا إِلَهَ إِلَّا اللَّهُ" دَخَلَ الْجَنَّةَ

আরবী

أَخْبَرَنَا الْفَضْلُ بْنُ الْحُبَابِ الْجُمَحِيُّ حَدَّثَنَا حَفْصُ بْنُ عُمَرَ الْحَوْضِيُّ حَدَّثَنَا مُحَرَّرُ بْنُ قَعْنَبٍ الْبَاهِلِيُّ حَدَّثَنَا رِيَّاحُ بْنُ عُبَيْدَةَ عَنْ ذُكْوَانَ السَّمَّانِ عَنْ جَابِرِ بْنِ عَبْدِ اللَّهِ قَالَ: بَعَثَنِي رَسُولُ اللَّهِ صَلَّى اللَّهُ عَلَيْهِ وَسَلَّمَ فَقَالَ: "نَادِ فِي النَّاسِ مَنْ قَالَ: لَا إِلَهَ إِلَّا اللَّهُ دَخَلَ الْجَنَّةَ" فَخَرَجَ فَلَقِيَهُ عُمَرُ فِي الطَّرِيقِ فَقَالَ: أَيْنَ تَرِيدُ؟ قُلْتُ: بَعَثَنِي رَسُولُ اللَّهِ صَلَّى اللَّهُ عَلَيْهِ وَسَلَّمَ بِكَذَا وَكَذَا قَالَ: ارْجِعْ، فَأَبَيْتُ فَلَهَزَنِي لَهْزَةً فِي صَدْرِي أَلْمَهَا فَرَجَعْتُ وَلَمْ أَجِدْ بُدًّا قَالَ: يَا رَسُولَ اللَّهِ بَعَثْتَ هَذَا بِكَذَا وَكَذَا قَالَ: "نَعَمْ" قَالَ: يَا رَسُولَ اللَّهِ إِنَّ النَّاسَ قَدْ طَمَعُوا وَخَشُوا فَقَالَ صَلَّى اللَّهُ عَلَيْهِ وَسَلَّمَ: "أَقْعُدْ".

الراوي : جَابِرُ بْنُ عَبْدِ اللَّهِ | المحدث : شعيب الأرناؤوط | المصدر : صحيح ابن حبان

الصفحة أو الرقم: 151 | خلاصة حكم المحدث: إسناده صحيح.

বাংলা

১৫১. জাবির বিন আব্দুল্লাহ রাঈয়াল্লাহু আনহুমা থেকে বর্ণিত, তিনি বলেন, রাসূল সাল্লাল্লাহু আলাইহি ওয়া সাল্লাম আমাকে এই বলে পাঠালেন যে: “মানুষের মাঝে তুমি ঘোষণা দাও যে, যে ব্যক্তি ‘লা ইলাহা ইল্লাল্লাহ’ বলবে সে জান্নাতে প্রবেশ করবে।’ অতঃপর তিনি (তা ঘোষণা দেওয়ার জন্য) বের হলেন, পথিমধ্যে উমার রাঈয়াল্লাহু আনহুমা সাথে তাঁর সাক্ষাৎ হলো। তিনি জিজ্ঞেস করলেন: তুমি কোথায় যাচ্ছে? আমি বললাম: ‘রাসূল সাল্লাল্লাহু আলাইহি ওয়া সাল্লাম আমাকে এই এই বার্তা দিয়ে পাঠিয়েছেন।’ এটা শুনে তিনি বললেন: তুমি ফিরে যাও। কিন্তু আমি ফিরে যেতে অস্বীকৃতি জানালাম। ফলে তিনি আমার বুকে এমনভাবে ঘুষি মারলেন যে, আমি তাতে বুকে ব্যথা অনুভব করলাম। অতঃপর কোন উপায় না পেয়ে আমি ফিরে আসলাম।

উমার রাযিয়াল্লাহু আনহু বললেন: হে আল্লাহর রাসূল সাল্লাল্লাহু আলাইহি ওয়া সাল্লাম, আপনি কী একে এই এই বার্তা দিয়ে পাঠিয়েছিলেন? তিনি বললেন: হ্যাঁ। উমার রাযিয়াল্লাহু আনহু আরয় করলেন: (এটা শুনে) মানুষ (জান্নাতের) আশায় (আমল বাদ দিয়ে বসে) থাকবে এবং তারা ভয় করবে।[1] অতঃপর রাসূল সাল্লাল্লাহু আলাইহি ওয়া সাল্লাম জাবিরকে বললেন: “ঠিক আছে, বসো।”[2]

[1] (وَحْشُوا) “এবং তারা ভয় করবে।”- এই অংশটুকু রাবী ভুল করে বর্ণনা করেছেন, আসলে সঠিক হবে "خَبثُوا" 'এবং তারা খারাপ হয়ে যাবে।' আল্লামা নাসিরুদ্দিন আলবানী রহিমাহুল্লাহ বলেন: মূল সূত্রে "خَبثُوا" 'এবং তারা খারাপ হয়ে যাবে।' এমনি আছে। ইবনু খুযাইমার 'আত তাওহীদ' কিতাবেও এমনিটি আছে। এবং অর্থগতভাবেও এটাও সঠিক। (সহীহ মাওয়ারিদুয যমআন: ১/৯৫; আস সহীহাহ: ১৩১৪, ২৩৫৫।)

[2] হাদীসটি হাফিয জালালুদ্দিন সুয়ূতি রহিমাহুল্লাহ তাঁর 'আল জামি'উল কাবীর' গ্রন্থে বর্ণনা করেছেন এবং ইবনু খুযাইমা ও সাঈদ বিন মানসূর রহিমাহুল্লাহ এর দিকে সম্পর্কিত করেছেন। এই ব্যাপারে আবু হুরাইরা রাযিয়াল্লাহু আনহু থেকে সহীহ মুসলিমে হাদীস রয়েছে। হাদীস নং ৩১ এবং মুয়ায বিন জামাল রাযিয়াল্লাহু আনহু থেকেও হাদীস আছে। হাদীস নং ৩২।

আল্লামা শুআইব আল আরনাউত রহিমাহুল্লাহ বলেছেন: হাদীসের রাবী মুহাররর বিন কা'নাবকে হাফিয আবু যুর'আহ সিকাহ বা নির্ভরযোগ্য বলেছেন। হাদীসের অন্যান্য রাবী নির্ভরযোগ্য। আল্লামা নাসির উদ্দিন আলবানী রহিমাহুল্লাহ হাদীসটিকে সহীহ বলেছেন। (আস সহীহাহ: ২৩৫৫)

হাদিসের মান: সহীহ (Sahih) পুনঃনিরীক্ষিত

পাবলিশারঃ হাদিসবিডি □ বর্ণনাকারীঃ জাবির ইবনু আবদুল্লাহ আনসারী (রাঃ)

🔗 Link — <https://www.hadithbd.com/hadith/link/?id=88360>

📖 হাদিসবিডির প্রজেক্টে অনুদান দিন